

反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊
反拍逆 上音蚊 上音蚊 上音蚊 上音蚊 上音蚊

大方便佛報恩經第一卷

大方便佛報恩經卷第三

器

論義品第五

失譯

爾時如來為母摩耶夫人并諸大衆說法九十日閻浮提中亦九十日不知如來所在大目捷連神力第一盡其神力於十方推求亦復不知阿那律陀天眼第一遍觀十方三千大千世界亦復不見乃至五百大弟子不見如來心懷憂惱優填大王戀慕如來心懷愁毒即以牛頭栴檀樹像如來所有色身禮事供養如佛在世等無有異爾時大王召諸六師卜問如來為何所在爾時六師即作是言

大王當知瞿曇沙門正是幻術所化作耳幻化之法體無真實大王當知我等經書四圍陀典說言千年二千年當有一幻人出世瞿曇沙門正是其人爾時阿那律陀往詣大王所自言大王當知如來近在忉利天却後七日當還閻浮提王聞是語心生歡喜宣令國土掃洒燒香懸幡蓋競共集聚設衆供養種種餽饌華香伎樂爾時六師見衆人集聚設諸供養種種餽饌六師問言汝等諸人設是供養欲請國王耶王子耶答言非也若不爾者為請大臣耶婆羅門居士耶若不爾者親族會耶答言非也欲請於佛六師問言佛者是誰答言一切智人復言一切智人為是誰耶答言大慈悲父汝不知耶白淨王種豪尊第一從劫初已來嫡嫡相承作轉輪王近來二世不作轉輪王雖不作轉輪王而作閻浮提王兄弟三人其最長者名曰淨飯王其次第二名曰斛飯王其最小者名曰甘露飯

王淨飯王生二子長者名悉達小者名難陀
解飯王復生二子長者名提婆達小者名阿
難甘露飯王生一女名甘露味女今時大兄
悉達太子出城觀看見老病死患憂思不食
悲念人生當有此患無貴無賤有形之類無
免此者即夜踰出官城菩提樹下苦行六年
然後得成一切智故号一切智人獨悟成佛
具足十力四無所畏十八不共法乃至一切
種智其生七日母便命終生兜率天佛為天母
說法經九十日却後一七當還閻浮提今時六
師聞是語已心生嫉妬憂恚苦惱即時六師
徒眾集聚共論議言瞿曇沙門若還閻浮提
者一切人民皆當捨我供養瞿曇我等孤窮
恐當不濟今時六師復作是念我等今當速
往多人眾中唱如是言諸人當知瞿曇沙門
實無所知黃口小兒近出釋氏官菩提樹下
自言得一切種智當知此則虛妄之言所以
然者阿耨達王來請瞿曇所施供養唯是馬

麥瞿曇不知為惡而便受請當知非一切智
也復次問於阿難安居餘有幾日在阿難言
餘有七日在復次問於阿難祇桓中何以多
烏鳥聲阿難言眾鳥諱食適生一七其母命
終以是事故當知是薄福相人亦是極惡之人
所以然者生已喪其母故又復非慈孝非供
養目下朝夜供給而反捐弃入於深山亦是
無恩分人父王為納娶瞿夷竟不行婦人之
禮今憍曇彌受大苦惱是故當知不知恩不
念恩瞿曇沙門徒眾無尊無卑五百弟子各
稱第一師既無法弟子亦無修行之業乃至
知數具人陀驃比丘亦稱第一聰明智慧舍
利弗亦入其中訥鈍槃特比丘亦入其中乃
至少欲之人耶輸陀羅比丘亦入其中舍
衛城中婬亂不善蓮華色女亦入其中乃至
稚小無智均提小兒亦入其中乃至極老湏
跋陀羅年百二十亦入其中乃至豪尊諸釋
種亦入其中極下賤王舍城中擔糞穢人亦

入其中是故當知瞿曇法中猥雜競共入中皆無尊卑不可恭敬辟如大風吹諸樹葉聚在一處瞿曇佛法亦復如是辟如衆鳥隨逐世間人所遺棄衣服飲食瞿曇徒衆隨取食之汝等諸人今日云何欲請瞿曇衆人聞已辟如大地不可動大衆渴仰如來雖聞六

師作如是說心如金剛無有增減渴仰如來如渴欲飲却後一七如來從天來下至閻浮提無量百千諸天隨從如來放大光明神力感動作天伎樂百千萬種乃至一切天一切龍鬼神乾闥婆緊那羅摩睺羅伽人非人等一切大衆皆悉雲集禮拜供養尔時優填大王大衆圍遶遠迎如來頭面禮足却任一面尔時六師徒衆集聚復作是念我等今者衰禍將至雖復衆人之中唱說此言而不信受今當復往天人大衆之中宣今如是可知清白尔時六師作是念已與其徒衆八千人俱前後圍遶往詣大衆到已却坐一面尔時復

有一乾闥婆子名曰闍婆摩羅彈七寶琴往詣如來所頭面禮足却任一面鼓樂絃歌出微妙音其音和雅悅可衆心聲聞舍利弗等不覺動身起舞須彌山王踊沒低昂尔時如來即入有相三昧以三昧力令其琴聲遠聞三千大千世界其音具足演說苦空無常不

淨無我放逸衆生聞此妙音具足演說如來知恩報恩久於無量阿僧祇劫孝養父母一切衆生皆隨聲至閻浮提往到佛所頭面禮足却坐一面尔時大衆瞻仰如來自不暫捨如來尔時三昧冥默一切大衆亦皆默然於大衆中有七寶塔從地踊出住在空中無數幢幡而懸其上百千寶鈴不鼓自鳴微風吹動出微妙音尔時大衆見此寶塔從地踊出心生疑網以何因緣有此寶塔從地踊出諸聲聞衆舍利弗等盡思度量亦復不知舊住娑婆世界菩薩摩訶薩乃至弥勒菩薩亦復不知尔時六師作是念復何因緣有此寶塔

若有人來問我者而我不知若不知者云何復名一切知見復作是念瞿曇何不速為大衆敷演斯事。爾時如來出于三昧釋提桓因切利天王取以天衣敷師子座。爾時如來即昇此座結加趺坐如須弥山王處于大海。爾時弥勒菩薩觀察衆心咸皆有疑自亦未了

即從座起往到佛前頭面禮足合掌向佛而作是言。世尊以何因緣有此寶塔從地踊出。佛告弥勒菩薩乃往過去不可思議阿僧祇劫有佛出世号毗婆尸如來應供正遍知。明行足善逝世間解無上士調御丈夫天人師佛世尊出現於世教化無量百千萬億阿僧祇衆生皆令堅固阿耨多羅三藐三菩提。其佛滅度後於像法中有國名波羅捺其波羅捺大王聰睿仁賢常以正法治國不枉人民。王至六十小國八百聚落王子無子。王自供養奉事山神樹神一切神祇。經十二年不懈不息。求索有子第一夫人便覺有娠十月足

滿生一男見其子端正人相具足生已召諸大臣諸小國王占相吉凶即為立字以其太子性善不瞋名曰忍辱。忍辱太子其年長大好喜布施聰明慈仁於諸衆生等生慈心。爾時大王有六大目其性暴惡奸詭諂佞枉橫無道人民厭患。時六大目自知於行有違常懷嫉妬憎惡太子。爾時大王身嬰重病苦惱憔悴命在旦夕忍辱太子往告諸目。父王因篤今當奈何。諸目聞已心生瞋恚報太子言王命不久何以故欲求妙藥不可得。故是以當知命去不遠太子聞已心生苦惱悶絕躡地時六大目即入靜室共謀議言忍辱太子不除去者我等終不得安隱也。作是念已第一大目言忍辱太子無事可除。一曰復言我有方便能除去之。即往太子所報太子言目向在外於六十小國八百聚落中求覓藥草了不能得。太子問言所求藥草為何物。大目報言太子當知求藥草者正是從生至終

不瞋人眼睛及其人隨若得此藥得全王命若不得者命在不久於諸國土無有此人太子聞已心生憂惱即報大目我今身者似是其人何以故我從生已來未曾有瞋大目言太子若是其人者此事亦難何以故天下所重莫若己身太子言不如諸目所言也但使

父王病得損者假使捨百千身亦不爲難況我今日此穢身也大目報言如此之事隨太子意今時忍辱太子心生歡喜而作是念若使此藥能除父王病者宜應速辦此事忍辱太子即入宮中到其母所頭面禮足合掌向母而作是言今者此身欲爲父王作治病藥恐其身命不得存立是故與母共別願母莫憂昔戀慕其子其母聞是語已心生悶絕志失四方辭如人噎又不得咽不能勸進又不得吐不能勸退即前抱其太子悶絕以水灑面良久乃蘇今時太子白其母言父王身命須臾之間不得久停宜時速辦令王服之

時太子即呼大目諸小國王於大眾中即宣此言我身今者與大眾別今時大目即呼游陀羅斷骨出髓剗其兩目今時大目即擣此藥奉上大王王即服之病得除瘥病既瘥已問諸大目汝等於何得此妙藥除我患昔得全身命大目白王今此藥者忍辱太子之所辦

耳非諸目力所堪辦也王聞是語心驚毛豎微聲問諸目言忍辱太子今在何所大目答言太子今者在外身體傷損命不云遠王聞是語舉聲大哭怪哉怪哉自投於地塵土塗身如我今者實自無情云何乃能服此子藥往到子所其命已終王及夫人及諸目民無量大眾前後圍遶其母懊惱投身死屍以我宿世有諸過惡今令子身受是苦也今我身者何不碎末如塵乃令我子喪失身命今時父王及諸小王即以牛頭栴檀香木積以成積閣維太子所有身骨復以七寶起塔供養今時世尊告弥勒菩薩善男子等大眾當知

尔時波羅奈大王者今現我父悅頭檀是尔時母者今現我母摩耶是忍辱太子者今我身是菩薩於無量阿僧祇劫孝養父母衣服飲食房舍卧具乃至身肉骨髓其事如是以此因緣自致成佛於此寶塔從地踊出者即是我為其父母捨此骨髓及其身命即於此處起塔供養我今成佛即踊現其前尔時大衆中無量人天諸龍鬼神聞是語已悲喜交集淚下滿目異口同音讚歎如來百千功德尋時發於阿耨多羅三藐三菩提心復有無量百千衆生發聲聞辟支佛心復有無量人得須陀洹果乃至阿羅漢道復有無量百千萬億菩薩摩訶薩不久當得阿耨多羅三藐三菩提是故當知如來今者真是孝養父母復次菩薩本知母人之德以其本願如是生如來身以生如來滿本願故不堪受其禮故因其將終尔時大衆異口同音讚嘆摩耶善哉摩耶得生如來天人世間無與等者尔時

軋闍婆摩羅即從座起偏袒右肩胡跪合掌而白佛言世尊摩耶夫人修何功德以何因緣得生如來佛言善聽吾當為汝分別解說佛言乃往過去久遠不可計劫有佛出世号毗婆尸如來應供正遍知明行足善逝世間解無上士調御丈夫天人師佛世尊出現於世乃至正法像法滅已尔時有國号波羅奈去城不遠有山名曰聖所道居以有百千辟支佛住此山中故無量五通神仙亦住其中以多仙聖止住中故故号聖遊居山其山有一仙人住在南窟復有一仙住在北窟二山中間有一泉水其泉水邊有一平石尔時南窟仙人在此石上浣衣洗足已便還所止去後未久有一雌鹿來飲泉水次第到浣衣處即飲是石上浣衣垢汁飲此衣垢汁已迴頭反顧自舐小便處尔時雌鹿尋便懷妊月滿產生鹿產生法要還向本得胎處即還水邊任本石上悲鳴宛轉產生一女尔時仙人聞此鹿

悲鳴大喚。爾時南窟仙人聞是鹿大悲鳴聲。心生憐愍。即出往看見此雌鹿產生一女。爾時鹿母宛轉舐之。見仙人往便捨而去。爾時仙人見此女兒形相端正。人相具足。見是事已。心生憐愍。即以草衣裹拭。將還採衆妙果。隨時將養。漸漸長大。至年十四。其父愛念。常使宿火。令不斷絕。忽於一日。心不謹慎。便使火滅。其父苦責數已。語其女言。我長身已來。未曾使此火滅。而汝今日云何令滅。北窟有火。汝可往取。爾時鹿女即隨父教。往詣北窟。步步舉足。皆生蓮華。隨其蹤跡。行伍次第。如似街陌。往至北窟。從彼仙人乞求少火。爾時仙人見此女人福德如是。足下生於蓮華。報言。欲得火者。汝當右遶我窟。滿足七而。行伍次第了了。分明隨其舉足。皆生蓮華。遶七而已。語其女言。欲得火者。復當在此右邊還歸去者。當與汝火。爾時鹿女爲得火。故隨教而去。其女去後。未久之間。波羅柰王將諸大臣。

百千萬衆。前後圍遶。千乘萬騎。入山遊獵。馳逐群鹿。波羅柰王獨乘名象。往到北窟。仙人所見其蓮華。遶窟行列。爾時大王心生歡喜。歎言。善哉善哉。大德神仙。大仙導師。福德巍巍。其事如是。爾時仙人即白王言。大王當知。此蓮華者。非我所能。王言。非大師者。是誰。所爲報言。大王是南窟仙人。生育一女。姿容端正。人相具足。世間難有其女。行時隨其足下。皆生蓮華。王聞是語。心生歡喜。即往南窟。見彼仙人頭面禮足。爾時仙人即出問訊。大王遠涉途路。得無疲極。爾時大王報仙人言。聞君有女。欲求婚。爾時仙人報大王言。貧身有此一女。稚小無知。未有所識。少少以來。住此深山。未聞人事。服草食果。王今云何。乃欲願錄。又此女者。畜生所生。即以上事。向王具說。王言。雖爾無苦。問其父言。鹿女者。今在何許。報言。大王在此草窟。爾時大王即入窟中。見其鹿女。心生歡喜。即以沐浴香湯。名衣上。

服百寶瓔珞莊嚴其身乘大名象百千導從
作倡伎樂還歸本國尔時鹿女從生以來未
曾見如此大衆心驚怖懼尔時其父上高山
頂遙看其女目不暫捨而作是念我今遙觀
我女遠去不現當還本處悲號懊惱流淚滿
目我生育此女未有所知與我遠別復作是
念我今住此不應餘轉何以故若我女反顧
後望不見我者令子憂苦跣立良久女去不
現竟不還願尔時其父心生恚恨而作是言
畜生所生故不妄也我少長養令得成人爲
王所念而反孤弃即入窟中誦持呪術而呪
其女王若遇汝薄者噉然不論若王以禮待
接汝者當令退沒不果所願
尔時波羅柰王到宮殿已拜爲第一名曰鹿
母夫人諸小國王百官群臣皆來朝賀王見
此已心生歡喜未久數日便覺有娠王自供
養夫人牀卧飲食皆令細軟至滿十月望其
生男紹繼國位月滿產生一蓮華仙人呪

力令王瞋恚而作是言畜生所生故不妄也
王即退夫人職其蓮華者使人遺弃其後數
日波羅柰王將諸群臣入後園中遊戲觀看
作倡伎樂鬪其象馬并諸力士中有第一大
力士踉蹌顛厥以足蹴地地皆震動動蓮華
池其華池邊有大璫瑚於璫瑚下有一蓮華
併墮水中其華紅赤有妙光明王見此華心
生歡喜問群臣言如此蓮華者未曾有也即
使使者入池取之其華具足有五百葉於一
葉下有一童男面首端正形狀妙好尔時使
者即前白王此蓮華者未曾有也大王當知
其蓮華者具五百葉於一葉下有一天童男
王聞此語心驚毛豎慨歎所以問使者言審
實尔耶此非是我鹿母夫人所生華耶即問
青衣鹿母夫人所生華者遺弃何處荅言大
王埋此池邊大璫瑚下王審實其事知是鹿
母夫人所生王自入宮向鹿母夫人自責悔
過而作是言我實愚癡無智不識賢良橫相

惡賤違逆夫人懺謝訖已還復本位王大歡喜
召諸群臣諸小國王并諸婆羅門相師一切集
會抱五百太子使諸相師占相吉凶卦曰道
德所歸國蒙其福若在家者四海顛顛鬼神
保之若出家者必斷生死超度欲流越生死
海獲得三明六通具四道果王聞是語遂增
歡喜即遍宣令國土選取五百乳母令時鹿
母夫人白大王言王莫耗擾國土召諸乳母
王宮中自有五百夫人諸夫人者妬我生男
王今可以一太子與一夫人令其乳哺非其
子耶王報夫人五百夫人常懷嫉妬惱害鹿
母鹿母今者欲令我鞭打杖策擯出驅遣奪
其命者不逆夫人夫人今者云何於怨嫌中
放捨此事甚難及也又復能開天地之恩以
其太子與諸夫人令時五百夫人心大歡喜
鹿母夫人施我安隱快樂云何復能以太子
與我歡喜無量令時無量百千大眾聞是事
已心生歡喜皆發道心令時大王報夫人言

未曾有也吾不及汝夫人言貪恚所生皆由
嫉妬諫惡以忍諫怒以順我從生以來未曾
與物共諍諸夫人者自生惱害辟如有人夜
行見杙便起賊想或起惡鬼之想尋時驚怖
四散馳走或投高巖或赴水火荆棘叢林傷
壞形體因妄想故禍害如是一切衆生亦復
如是自生自死如蠶處繭如蛾赴燈無駢馳
者一切衆惡從妄想起諸夫人者亦復如是
我今不應與彼群愚起諸諍訟五百夫人即
前禮鹿母夫人自謝悔過奉事鹿母如蒙賢
聖如母姊妹所養太子如所生不異時五百
太子年漸長大一一太子力敵一千鄰國反
叛不負屬者自往伐之不起四兵國土安隱
天神歡喜風雨以時人民豐壤熾盛時五百
太子乘大名象林野觀看遊戲自恣快樂難
量父母愛念如護眼目
令時五百太子年漸長大於後一時集一處
坐蓮華池邊見其形容水底影現時諸太子

共相謂言一切諸法如幻如化如夢所見如水中形體無真實我等今者亦復如是雖復豪尊處在深宮五欲自恣壯年美色不可久保物成有敗人生有死少壯不久會當有老飲食不節會得有病百年壽命會當有死諸太子即愁憂不樂不能飲食即還宮殿白父母言世界皆苦無可樂者父母今者聽我等出家王報太子生老病死一切共有汝何以獨愁白父王言不能復以死受生勞我精神周遍五道王不忍拒即便聽許母報子言汝出家者莫捨我遠去可於後園其中清淨林木茂盛四事供養不令乏少時諸太子即便出家受其母請住後園中一一太子皆得辟支佛道如是次第四百九十九太子皆得道果往詣宮中至父母前報言父母出家利益今已獲得時諸比丘身昇虛空東踊西沒西踊東沒南踊北沒北踊南沒或作大身滿虛空中復以一身作無量身或身上出水身下

出火爲其父母作種種神變已即便燒身取般泥洹時鹿母夫人收取身骨於後園中即起四百九十九塔供養最小太子過九十日已亦得辟支佛道亦爲父母現大神變現神變已即取泥洹亦時其母收其身骨起塔供養亦時鹿母夫人燒衆名香作妙伎樂日日入後園中供養是五百辟支佛塔於其塔前愁憂不樂而作是言我雖生是五百太子雖復出家而無一人能發菩提之心即立誓願我供養是五百辟支佛并起五百塔供養舍利功德悉以迴向普及一切衆生令我來世不用多生諸子而不能發菩提之心但生一子能發道心現世出家得一切智佛告阿難亦時鹿母夫人者今摩耶夫人是摩耶夫人供養五百辟支佛及修無量善業是故今者得生如來身佛說此法時有無量百千人天得初道果乃至四果有無量衆生發阿耨多羅三藐三菩提心

尔時阿難白佛言世尊摩耶夫人過去世時造何業行生畜生中為鹿女也佛告阿難善聽吾當為汝分別解說摩耶夫人宿世行業因緣乃往過去無量阿僧祇劫尔時有佛出世号毗婆尸如來應供正遍知明行足善逝世間解無上士調御丈夫天人師佛世尊在世教化滅度之後於像法中尔時有國号波羅柰其國有一婆羅門唯生一女其父命終婆羅門婦養育此女年轉長大其家唯有一果園其母以女守園自往求食既自食已復為其女而送食分日日如是其母一日而便瞽遲過時不與其女悒遲飢渴所逼而便恚心言我母今日何因緣故不與我食不來見看乃至煩惋再三尋復恚言我母今者不如畜生我見畜獸野鹿子飢渴時心不捨離如是未久母持食至正欲飲食有一辟支佛沙門從南方來飛空北過尔時其女見此比丘心生歡喜即起合掌頭面作禮即便請之為

敷淨座取好妙華減其食分奉施比丘比丘食已為說妙法示教利喜尔時其女即發願言願我來世遭遇賢聖礼事供養使我百首端正尊榮豪貴若經行時蓮華承足佛告阿難尔時女者鹿母夫人是以其一食淨華覆上施辟支佛五百世中尊榮豪貴衣食自然蓮華承足願力因緣今得值五百辟支佛礼事供養尔時以一惡言不知其恩毀罵其母喻如畜生以是惡口因緣五百身中生鹿腹中佛告阿難人生世間禍從口生當護於口甚於猛火猛火熾然能燒一世惡口熾然燒無數世猛火熾然燒世間財惡口熾然燒聖七財是故阿難一切眾生禍從口出夫口舌者鑿身之斧滅身之禍佛說此經時有千優婆塞優婆夷慎護口過即得初果復有無量比丘比丘尼得初道果乃至四果無量人天皆發阿耨多羅三藐三菩提心乃至辟支佛心一切大眾聞佛說法歡喜奉行作

禮而去

尔時世尊與阿難入王舍城乞食已還出城於城門外有大深坑時王舍城人檐持大小便利弃是坑中天雨惡水亦入其中尔時此汪水中有一虫其形似人衆多手足遙見如來擎頭出水視於如來流淚滿目如來見已愍而哀傷慘然不悅即還耆闍崛山尔時阿難敷尼師壇如來座上結加趺坐尔時阿難觀察衆心問如來言世尊向所見汪水中虫者先世造何業行生此水中為幾時耶復於何時當得解脫佛告阿難及諸大衆汝等善聽當為汝說阿難乃往過去無量千劫尔時有佛出興于世教化已周遷神沮槃滅度之後於像法中有一婆羅門造立僧坊供養衆僧時有檀越多迭酥油時有客比丘來尔時知事維那心生瞋恚嫌客僧來多隱匿酥油停待不與客衆僧言何不付酥油蜜耶維那荅言汝客我舊客比丘言此是檀越施現前

僧尔時維那凶惡可畏即便罵言汝何不噉屎尿也云何從我乃索酥油以此惡言從是已來九十億劫常生於是汪水之中尔時維那者今此汪水中虫是由過去世發一惡言訶罵衆僧無量千世住此屎中佛告諸弟子當護於口口之過患甚於猛火父母衆僧宜應讚嘆軟語常念其恩衆僧者出三界之福田父母者三界內最勝福田何以故衆僧之中有四雙八輩十二賢士供之得福進可成道父母者十月懷抱推乾去濕乳哺長大教誨技藝隨時將養及其出家修得解脫度生死海自利兼利一切衆生佛告阿難父母衆僧是一切衆生二種福田所謂人天汲洹解脫妙果因之得成佛說此經時無量百千衆生人及非人或得初果乃至四果或發阿耨多羅三藐三菩提心或發聲聞辟支佛心各各合掌禮佛右遶歡喜而去復次波羅柰國有一輔相婆羅門其家大富

多饒財寶金銀瑠璃珊瑚琥珀象馬牛羊田
業僮僕在所充足年過八十生一男兒妙色
端正人相具足父母歡喜召諸相師占相吉
凶爲其立字號曰均提年始七歲父母愛念
放令出家往詣刹提利因提羅山至如來所
尔時如來四衆圍遶爲諸天龍鬼神大衆廣
說世論及出世間之法時婆羅門白佛言世
尊垂老之年生育此兒世尊大慈普覆一切
今以此兒爲佛弟子佛言善來比丘鬚髮自
落袈裟著身佛爲說法示教利喜即得道果
三明六通具八解脫尔時阿難觀察衆心咸
皆有疑即從座起整衣服偏袒右肩叉手合
掌白佛言世尊均提沙弥過去世時作何功
德修何行業值遇世尊獲得道果何以速疾
佛告阿難均提沙弥非適今也過去世時供
養父母衆僧修妙功德遇善知識今得道果
阿難白佛言願佛說之佛告阿難善聽乃往
過去無量千歲有佛出世号毗婆尸在世教

化利益天人化緣已周遷神涅槃滅度之後
於正法中有一年少比丘通達三藏所謂阿
毗曇藏毗尼藏脩多羅藏面首端正人相具
足辯才說法有妙音聲多人所識刹利婆羅
門之所供養時有一比丘形體醜人相不
豐加復音聲鈍重常好讚歎三寶尔時三藏
年少比丘見其聲惡即便毀罵而作是言如
是音聲不如狗吠時老比丘言汝何以見毀
罵也汝不識我耶三藏少年言我識汝汝是
毗婆尸佛正法中摩訶羅老比丘何以不識
摩訶羅言我所作已辦梵行已立不受後有
三藏比丘聞是語已心驚毛豎尔時摩訶羅
即舉右手放大光明普照十方尔時三藏即
前頭面接足礼拜求哀懺悔而我愚癡不識
賢聖作是惡業令我來世得近善友值遇聖
師漏盡結解亦如大德佛告阿難尔時三藏
比丘以一惡言呵罵上座五百身中常作狗
身一切大衆聞佛說法皆驚戰悚俱發聲言

上秋反六反又踏璠瑚二字正音胡天方也併墮
上六反作進也必慨嘆上若愛反嘆撓擾反上乃巧
孟反作亂也下音乳哺下音口日食策擯反上楚華
高反亂也下音動也乳哺下音口日食策擯反上楚華
也下必刃反机同音前反蝥俗作虬反上尺遲反上尺
難作崩反正出也反叛音畔也豐壤作下虬反上尺遲反上尺
邑遲也上正去聲得也煩惋下權正也替遲音上

枉也惋鳥貫鑿上音昨汪水鳥黃反正作恹
反憮也惋鳥貫鑿上音昨汪水鳥黃反正作恹
然上七咸反推乾上土迥反賈估上賈客也
踉蹌音即傍

大方便佛報恩經卷第四

失譯

惡友品第六

尔時世尊大衆圍遶供養恭敬尊重讚歎尔時如來熙怡微笑從其面門放大光明青黃赤白名曰大悲遠照十方上至阿迦貳吒天

磧砂大藏經

大方便佛報恩經

卅 第三九册

下至十八地獄照提婆達多身身諸苦痛即得安寧尔時大衆異口同音讚歎如來善哉善哉世尊真是大慈真是大悲能於怨親其心平等提婆達多常懷惡心毀害如來而世尊不以為患愍而哀傷放大悲光遠照其身如來尔時普告大衆而作是言提婆達多非適今世而傷害我過去世時常欲害我以慈悲力因乃得濟尔時阿難觀察衆心咸皆有疑即從座起偏袒右肩右膝著地胡跪合掌而白佛言世尊提婆達多過去世時毀害世尊其事云何佛告阿難善聽吾當為汝分別解說佛言過去世時無量千歲有國名波羅捺其中有佛出世号毗婆尸如來應供正遍知明行足善逝世間解無上士調御丈夫天人師佛世尊在世教化滿十千歲滅度之後正法住世二千歲像法滅後波羅捺王名摩訶羅闍聽穀仁賢正法治國不枉人民王主六十小國八百聚落五百白象二萬夫